

Lífland ehf.
Brúarvogi 1-3
104 Reykjavík

Selfoss, 19. febrúar 2026
UOS-3164/H.I.I.

Niðurstaða eftirlits – Kröfur um úrbætur

Umhverfis- og orkustofnun vísar í bréf stofnunarinnar, dags. 21.5.2025, þar sem tilkynnt var um eftirlit með markaðssetningu og merkingum sæfivara í vöruflokki 3 (hreinlætisvörur fyrir dýr) hjá Líflandi ehf., sbr. hlutverk Umhverfis- og orkustofnunar með framkvæmd efnalaga nr. 61/2013 og reglugerðar nr. 878/2014 um sæfivörur sem innleiðir reglugerð (ESB) nr. 528/2012 (BPR) í íslenskan rétt. Eftirlitið fór fram daginn eftir í verslunum Líflands á Selfossi og Hvolsvelli.

Við skoðunina var meðal annars metið hvort:

- vörur, sem hafa markaðsleyfi, væru merktar í samræmi við samþykktu samantekt á eiginleikum vörunnar (SPC), sem er hluti af markaðsleyfi vörunnar,
- markaðssetning vara, sem hafa ekki markaðsleyfi á Íslandi, væri óheimil,
- fyrir hendi væri skráning á 95 listanum fyrir virk efni sæfivara,
- merkingar vara, sem falla undir umbreytingarráðsstafanir, væru merktar í samræmi við reglugerð nr. 415/2015 (CLP), og
- upplýsingar í öryggisblaði væru í samræmi við SPC og að liður 1.4 um neyðarupplýsingaþjónustu væri staðfærður.

Verkefnið er hluti af samevrópsku eftirlitsverkefni, BEF-3, á vegum Efnastofnunar Evrópu. Markmið þess er að samræma milli ríkja innan ESB/EFTA hvernig eftirliti er háttað með notkun upplýsinga úr markaðsleyfi á merkingum sæfivara.

Eftirfarandi vörur sem falla undir umfang eftirlitsins voru skoðaðar.

Vara	Leyfishafi/Birgir
IoShield® (Io-Shield® D)	Leyfishafi: Ecolab Deutschland GmbH
VelouCid® Spray (VelouCid® Spray D)	Leyfishafi: Ecolab Deutschland GmbH
LuxSpray 50	Leyfishafi: GEA Farm Technologies GmbH
SensoSpray 50	Birgir: Lífland ehf.
KerbaDip Jod (KERBL)	Leyfishafi: Applied Biocide GmbH
KerbaWasch	Birgir: Lífland ehf.
Júgurpvottalögur	Birgir: Takk hreinlæti ehf.

Frávik frá gildandi reglum sem fram komu í eftirlitinu eru tilgreind í meðfylgjandi eftirlitsskýrslum.

Umhverfis- og orkustofnun veitir Líflandi ehf. frest til 5.3.2026 til að senda stofnuninni uppfærðan merkingamiða fyrir vöruna SensoSpray 50.

Senda skal staðfestingu á úrbótum með tölvupósti á opinbert netfang stofnunarinnar, uos@uos.is, merkt málsnúmerinu UOS-3164.

Fyrirliggjandi vörubirgðir skulu endurmerktar með uppfærðum merkimiða sem staðfestur hefur verið af stofnuninni.

Umhverfis- og orkustofnun bendir á að óheimilt er að markaðssetja vörur sem ekki uppfylla kröfur um markaðsleyfi og merkingar sbr. 1. mgr. 35. gr. og 3. mgr. 32. gr. efnalaga nr. 61/2013.

Varan KerbaWasch er ekki með markaðsleyfi á Íslandi og því mun stofnunin stöðva markaðssetningu vörunnar tímabundið.

Bréf um kröfur um úrbætur vegna frávika við vörunar IoShield® (Io-Shield® D), VelouCid® Spray (VelouCid® Spray D), LuxSpray 50, KerbaDip Jod (KERBL) eru send til leyfishafa varanna og má finna þau hjálaga. Leyfishafi vöru ber ábyrgð á að hún sé merkt í samræmi við útgefið markaðsleyfi, sbr. 1. mgr. 69. gr. reglugerðar (ESB) nr. 528/2012. Að auki má finna bréf um kröfur um úrbætur vegna Júgurþvottalögs, sem verður sent til framleiðanda vörunnar, Takk hreinlætis ehf.

Umhverfis- og orkustofnun veitir Líflandi ehf. hér með frest til 5.3.2026 til þess að koma sjónarmiðum sínum á framfæri, sbr. 13. gr. stjórnisýslulaga nr. 37/1993.

Vakin er athygli á því að í samræmi við 5. mgr. 49. gr. efnalaga mun Umhverfis- og orkustofnun birta á vefsetri sínu upplýsingar um niðurstöður eftirlits og til hvaða úrræða stofnunin hefur gripið jafnóðum og ákvarðanir um slíkt liggja fyrir. Telji fyrirtækið að efni í bréfinu eða eftirlitsskýrslunni varði hagsmuni sem njóta eigi leyndar skal fyrirtækið tilkynna um það til Umhverfisstofnunar með rökstuðningi fyrir 5.3.2026.

Umhverfis- og orkustofnun vekur einnig athygli á því að samkvæmt XIII. kafla efnalaga er stofnuninni heimilt að beita þvingunarúrræðum til að knýja á um framkvæmd ráðstöfunar samkvæmt lögunum, til að mynda með áminningu sbr. 55. gr., álagningu dagsekta sbr. 56. gr. og stöðvun markaðssetningar sbr. 57. og 58. gr.

Jafnframt er vakin athygli á því að samkvæmt gjaldskrá fyrir verkefni og þjónustu Umhverfis- og orkustofnunar nr. 1033/2025 innheimtir stofnunin tímagjald að upphæð 22.400 kr. vegna eftirfylgni eftirlits og beitingar þvingunarúrræða, sbr. 22. gr. gjaldskrárinnar.

Upplýsingar um sæfivörur má finna [hér](#).

Fyrirtækinu er velkomið að leita til sérfræðinga stofnunarinnar, Hafdísar Ingu Ingvarsdóttur eða Bergdísar Bjarkar Bæringsdóttur, í síma 569-6000 eða í gegnum netföngin

hafdis.i.ingvarsdottir@uos.is eða bergdis.b.baeringsdottir@uos.is til að fá nánari upplýsingar varðandi þau frávík sem málið snýst um og leiðir til úrbóta.

Virðingarfyllst,

Bergdís Björk Bæringsdóttir

Teymi efnamála

Hafdís Inga Ingvarsdóttir

Teymi efnamála

Meðfylgjandi:

- Eftirlitsskýrsla – Eftirlit með sæfivörum sem hafa markaðsleyfi – Merkingar og öryggisblöð – Lífland ehf.
- BEF-3 – Requirements for corrective actions – GEA Farm Technologies GmbH
- BEF-3 – Requirements for corrective actions – Ecolab Deutschland GmbH
- BEF-3 – Requirements for corrective actions – Applied Biocide GmbH
- BEF-3 – Niðurstaða eftirlits – Kröfur um úrbætur – Takk hreinlæti ehf.